

Áveitan

11. tbl. 4. árgangur. Nóvember 2010

Íþróttapjálfari óskast enn!

Ungmennafélögin leita eftir starfsmanni til að vera með með æfingar í Flóaskóla í vetur.

Æfingarnar eru fyrir 1.-4. bekk og eru á miðvikudögum kl 12.35 - 13.55.

Nánari upplýsingar hjá Haraldi í síma 699-8238 og á hallieinars@hotmail.com

Munið íþróttæfingarnar í Þingborg

Íþróttæfingar eru í Þingborg fyrir 5. bekk og eldri á þriðjudagskvöldum kl. 19:30-21:00. Rúnar Hjálmarsson þjálfar. Allir krakkar velkomnir.

Ungmennafélögin



Áveitan í Flóahreppi

Útgefendur: Ungmennafélögin Baldur, Samhygð og Vaka.

Ábyrgðarmenn:

Baldur Gauti Tryggvason
ballroq@hotmail.com

Stefán Geirsson
stegeir@hotmail.com

Fanney Ólafsdóttir
fanneyo@emax.is

Frá sveitarstjóra

Kosningar til stjórnlagabings

Kosið verður til stjórnlagabings 27. nóvember n.k. samkvæmt lögum um stjórnlagabing nr. 90/2010.

Kosningarnar verða auglýstar betur með dreifibréfi þegar nær dregur.

Tónahátíð

Röð tónleika hefur verið í félagsheimilum sveitarfélagsins í október. Raggi Bjarna, Ómar Ragnarsson og Þorgeir Ástvaldsso hófu tónleikaröðina í Þingborg 2. október. Þeir skemmtu þar og sprelluðu eins og þeim er einum lagið með söng og gamanmáli.

Ingibjörg Aldís Ólafsdóttir sópran, Stefán Helgi Stefánsson tenór og Ólafur B. Ólafsson undirleikari voru með afar vandaða söngdagskrá í Þjorsárveri 15. október. Eftir tónleikana var söngstund með gestum þar sem Ólafur lék undir á harmonikku. Benny Crespo's munu enda tónleikaröðina með tónleikum í Félagslundum sem ekki hafa verið haldnir þegar þetta er skrifað. Þetta band er skipað þeim Helga Rúnari, Magnúsi Öder, Bassa Ólafssyni og Lovisu Elisabetu, betur þekkt sem Lay Low. Helgi Valur trúbador mun hita upp fyrir bandið. Án efa verða þessir tónleikar vel heppnaðir enda um þaulvant tónlistarfólk að ræða.

Þessi tónleikaröð var undirbúin og skipulögð af rekstarstjórn og húsvörðum félagsheimila Flóahrepps og eiga þau hrós skilið fyrir frábært framtak.

Þingmannafundur

Þingmenn Suðurlands hittu sveitarstjórnarmenn í Árnessýslu föstudaginn 22. október s.l.

Það sem brann heitast á sveitarstjórnarmönnum er fyrirhugaður niðurskurður á fjárheimildum til heilbrigðisþjónustu á Suðurlandi og voru allir sammála um að af því mætti ekki verða.

Uppsveitir og Flóahreppur voru með sameiginlega málefndagskrá þar sem m.a. var fjallað um hversu brýn samgöngumál eru í víðtækri merkingu þess orðs. Fjarskiptamálum er þannig háttað að á svæðinu öllu er lélegt og ótryggt netsamband sem margir líða fyrir. Fjallað var um erindi frá Umhverfisstofnun þar sem fram kemur að endurgreiðslur úr ríkissjóði vegna refaveiða falli að öllum líkindum niður á næsta ári. Skipulagsmál voru rædd, m.a. sá tími sem fer í afgreiðslu á aðalskipulagstillögum nokkurra sveitarfélaga. Einnig var fjallað um

nauðsyn þess að fjárfest verði í færnanlegri brennslustöð sem hægt er að nota á landsvísu fyrir eyðingu á smitúrgangi, s.s. riðusmituðu fé.

Erindi vegna listamannalauna

Á síðasta sveitarstjórnarfundum var lagt fram til kynningar, bréf til stjórnar listamannalauna frá sveitarstjóra og menningarfulltrúa Suðurlands. Í bréfinu var óskað eftir því að Sigríður Jóna Kristjánsdóttir, Sigga á Grund, tréskurðarkona fái listamannalaun til að veita henni það svigrúm sem hún þarf svo hún geti lokið við smíði gangtegunda íslenska hestins. Sigríður hefur í mörg ár sótt um listamannalaun en ætíð fengið synjun.

Fjallskil

Fjallskil verða með sama móti og síðasta ár og engar breytingar verða á álögdum gjöldum.

Vegamál

Vegagerðin hefur verið í framkvæmdum í Flóahreppi undanfarna daga og má þar nefna sem dæmi að búið er að bera malarslitlag á nokkra afleggjara. Uppsalavegur og Hnausvegur voru styrktir og borið í þá malarslitlag, bundið slitlag verður sett á 1,6 km á Oddgeirshólavegi og malarslitlag borið á annan hluta vegarins. Einnig hafa verið framkvæmdir við lagningu ræsa og aðrar vegbætur við Hamarsveg.

Búfjárefntilvit

Minnt er á gjald sem tekið er fyrir sérstaka haustskoðun og eru bændur hvattir til að skila inn skýrslum til að komist verði hjá innheimtu slíkra gjalda.

Kvígur til sölu

Til sölu eru tvær kvígur sem bera í nóvember. Þrælsprækar og snoppufríðar.

Benedikt í Ferjunesi, sími 8488604

Framhaldsaðalfundur

Hrossaræktarfélags Villingaholtshrepps verður haldinn 16. nóvember kl. 20:30 í Þjórsárveri. Dagskrá:

1. Venjuleg fundarstörf
2. Framtíð félagsins
3. Inntaka nýrra félaga
4. Kosningar
5. Opin umræða/önnur mál

F.h. Hrossaræktarfélags
Villingaholtshrepps
Erling Sæmundsson

Frá Flóaskóla

Í skólanum skiptast á skin og skúrir eins og í lífinu sjálfu. Þegar þeir sem tengjast skólanum verða fyrir áfalli finnum við fyrir því í okkar daglega starfi. Þá er það sem skiptir mestu máli að standa sama, sýna kærleika og vináttu og styðja samborgara okkar í því sem þeir ganga í gegnum. Núna þegar birtan vikur tímabundið fyrir skammdeginu þá ætlum við í Flóaskóla að vera dugleg að kveikja ljós og muna að hlúa hvert að öðru. Við viljum leggja áherslu á að við berum virðingu hvert fyrir öðru og sýnum vinsemd og umburðarlyndi í umgengni við hvert annað. Þessi áhersluatriði verða einmitt í fararbroddi í byrjun nóvember þegar við höldum átaksviku í framkomu, virðingu, hjálpsemi og umgengni.

Nýja byggingin okkar er nú óðum að taka á sig mynd og hafa nemendur unnið falleg verk sem eru notuð til að skreyta skólann. Á vígsluathöfn nýbyggingar í lok október gafst fólki kostur á að skoða skólann og kynna sér nýju bygginguna. Við þökkum fjölmörgum gestum fyrir að heiðra okkur með nærveru sinni af þessu tilefni. Á vígsluathöfninni færði Ingvar Guðni hjá Vélsmiðju Ingvars Guðna í Flóahreppi skólanum vinnusloppa tli að nota í verklegum valgreinum eins og málsmíði og vélsmiði. Við kunnum Ingvari Guðna bestu þakkir fyrir stuðninginn og velvildina.

Sama dag og vígsluathöfnin var haldin komu í skólann 35 skólastjórnendur úr grunnskólum Reykjavíkur og starfsmenn Menntasviðs borgarinnar. Þeir sýndu skólanum mikinn áhuga og á þeim var að heyra að þeim finndist þróun skólans frá árinu 2004 og starfið allt vera til mikillar fyrirmyndar. Það var gaman að taka á móti þessum gestum og finna það að skólinn vekur eftirtekt viðar en í okkar nánasta umhverfi.

Fyrstu dagana í nóvember fáum við dansnámskeið frá Dansskóla Jóns Péturs og Köru. Dansinn er vinsæll meðal nemenda en á námskeiðinu er lögð áhersla á holla og góða hreyfingu í bland við æfingar í félagsfærni. Dansinn æfir okkur í framkomu, umgengni við náungann og umburðarlyndi. Dans er samkvæmt Aðalnámskrá hluti af námi í íþróttum og hreyfingu og því sérlega mikilvægt að geta boðið nemendum þessa viðbót við hefðbundnar stundaskrár.

Á degi íslenskrar tungu, þann 16. nóvember nk., munu nemendur koma fram á sal og flytja leikþætti, ljóð, söng og lesið efni. Þessi dagur markar einnig tímamót fyrir 7. bekkina en þann dag hefja þeir formlega æfingar fyrir Stóru upplestrarkeppnina sem fer fram á landsvísu eftir áramót. Framkoma og tjáning eru mikilvægir þættir í öllu námi og því mikilvægt að gefa nemendum tækifæri til að koma fram, ýmist með áheyrndur úr röðum samnemenda eða annarra gesta.

Nemendum í 8.-9. bekk var nýlega boðið á skemmtun á vegum Grunnskóla

Bláskógabyggðar sem haldin var í Aratungu. Auk okkar nemenda var nemendum frá Flúðum og úr Grímsnes- og Grafningshreppi einnig boðið. Skemmtunin var vel sótt og mun e.t.v. leggja grunninn að enn frekara samstarfi þessara skóla á sviði félagsmála og afþreyingar fyrir unglिंगana.

Bestu kveðjur úr Flóaskóla.
Kristín Sigurðardóttir skólustjóri.
kristin@floaskoli.is , gsm 663-5720.

Frá Hrossaræktarfélagi Hraungerðishrepps.

Þeir sem ekki hafa greitt félagsgjöld á þessu ári eru hvattir til að greiða þau fyrir áramót. Gjaldið er 1.500 kr. leggist inná reikning 0152-05-260163 og kennitala félagsins er 520310 0370.

Gjaldkeri.

Frá Kvenfélagi Villingaholtshrepps:

HEIMBOÐ


Lilja á Urriðafossi býður kenfélagskonum heim, föstudaginn 5. nóv. kl.21. oo

Muna eftir bakkelsi. Jólakort SSK verða til sölu.

Mætum allar hressar og kátar að vanda.

Fjáröflun

Starfsfólk Flóaskóla er að hefja söfnun vegna fyrirhugaðrar námsferðar á erlenda grundu vorið 2011. Liður í þeirri söfnun er að safna gos og öl dósum og flöskum. Ef þið viljið vera svo væn að styrkja okkur með dósum og flöskum þá hafið samband og við komum og sækjum þær til ykkar. Hringið endilega eða sendið sms í síma 867-8929 (Anna Þórný).



Fyrir hönd starfsfólks Flóaskóla,
Anna Þórný Sigfúsdóttir og HarpaHreggviðsdóttir.

Frá Umf. Vöku:

Leikhúsfærð á Stútungasögu

Leikdeild Vöku boðar til hópferðar á leikritið Stútungasögu í flutningi Leikfélags Ölfus 6. nóvember. Sýningin hefst kl 20:00 í Versölum í Þorlákshöfn og er miðaverð 2000 kr. Ef við verðum fleiri en 20 sem mætum þá fáum við hópafslátt og ef við erum fleiri en 40 þá fáum við enn meiri afslátt svo það er um að gera að fjölmenna á sýninguna! Farið verður á einkabílum og er um að gera að sameinast í bíla innbyrðis.

Eins og margir muna þá settu ungmennafélögin í Flóahreppi Stútungasögu upp árið 2005 við mikið lof áhorfenda og verður þessi sýning því skemmtileg upprifjun góðra minninga. Allir eru velkomnir með en þó sérstaklega þeir sem tóku þátt í uppsetningu Stútungasögu með okkur.

Miðapantanir eru hjá Guðmundu í síma 846-9775

Leikdeild umf. Vöku

Árgjald Umf Vöku

Enn eiga nokkuð margir félagsmenn eftir að greiða árgjald fyrir árið 2010. Allir félagsmenn 12 ára og eldri greiða árgjald og er það 700 kr á ári. Félagar geta annaðhvort greitt í gegnum heimabanka eða haft samband við bankann sinn og beðið gjaldkera um að millifæra. Gott væri að setja nafn og kennitölu viðkomandi félagsmanna sem skýringu.

Ég minni á að nauðsynlegt er að hafa greitt árgjald ætli viðkomandi að óska eftir styrk frá félaginu vegna íþróttaiðkunar. Vakni einhverjar spurningar, endilega hafið samband í síma 845-9719 eða í tölvupósti lyngh@emax.is

Kennitala Umf. Vöku 471077-0389

Reikningur 0152-26-2216

Með kveðju, Hallfríður Ó. Aðalsteinsdóttir

Hugmynd að góðri jólagjöf

Ungmennafélagið Vaka er með til sölu boli og peysur með merki félagsins sem eru bæði hentugar og nytsamlegar jólagjafir.

Bolirnir eru kóngabláir og fást í öllum stærðum. Verð 1000 kr stk.

Peysurnar koma í tveimur litum. Fullorðinspeysurnar eru dökkbláar og krakkapeysurnar kóngabláar. Verð 2500 kr stk.

Áhugasamir hafið samband við Hallfríði gjaldkera í síma 8459719 eða á netfangið lyngh@emax.is

Stjórn Umf Vöku

Fréttir frá Krakkaborg

Í október fóru elstu börn leikskólans í sína fyrstu formlegu heimsókn í Flóaskóla. Farið var með skólabíl og vakti það mikla lukku eins og alltaf. Í Flóaskóla fengu börnin að prófa að fara í frímínútur og þvínæst í bekkjartíma með 1. bekk. Í vetur munu elstu börnin fara reglulega í heimsókn í Flóaskóla þar sem þau fá tækifæri til að kynnst skólastarfinu og undirbúa sig fyrir skólagöngu næsta vetur.

Sr. Sveinn Valgeirsson mun koma í heimsókn á Tigradeild 1x í viku nú í vetur. Er þetta þriðji veturinn sem hann kemur í þessar heimsóknir til okkar og hafa þær verið bæði fróðlegar og skemmtilegar. Sr. Sveinn ræðir við börnin um vináttuna, siðfræði, náungakærleik og margt fleira ásamt því að leika á gítar og syngja með börnunum. Í október voru haldið fjölskyldukaffi á öllum deildum leikskólans. Þá var foreldrum, ömmum, öfum og öðrum fjölskyldumeðlimum boðið í morgunkaffi en áður höfðu börnin bakað dýrindis bakkelsi til að bjóða upp á. Það var ánægjulegt að sjá hversu margir sáu sér fært um að mæta til okkar og þökkum við öllum kærlega fyrir komuna. Framundan í nóvember er margt skemmtilegt og má þar meðal annars nefna menningarferð, heimsókn í Flóaskóla fyrir elstu börnin, við munum halda upp á Dag íslenskrar tungu og síðast en ekki síst þá verður föndurdagur með foreldrum í lok mánaðarins og þá munu einnig jólaljósinn við Þingborg og leikskólann vera tendruð.

Krakkaborg er nú þátttakandi í tilraunaverkefni Skólaskrifstofu Suðurlands um skráningu á málþroska 2-5 ára barna, en sex leikskólar á Suðurlandi taka þátt í verkefninu. Málþroskaskimunin heitir TRAS sem stendur fyrir “Tíðlig registrering av sprákkutveckling” (snemmtæk skráning á málþroska). TRAS er skimunartæki sem er notað til að finna ung börn sem sýna einhver frávik í máli og tali og samskiptum tengdum máli. Tilgangurinn með því að finna börnin snemma er að geta gripið inn í með leikjum og starfi í samvinnu við foreldra og komið þannig í veg fyrir vanda og fyrirbyggja ef til vill námserfiðleika síðar. Skólaskrifstofa Hafnarfjarðar og sex leikskólar þar í bæ, taka einnig þátt í verkefninu. Skimunartækið hefur verið í notkun í að minnsta kosti fimm ár á hinum Norðurlöndunum og reynst mjög vel.

Ég minni á heimasíðu leikskólans slóðin er: www.leikskolinn.is/krakkaborg en þar má sjá fréttir af starfinu og margt fleira.

Með bestu kveðju,
Karen Viðarsdóttir
leikskólastjóri Krakkaborgar
Sími 482-3085

Porrablót í Þjórsárverri

Ákveðið hefur verið að halda Porrablótið 2011 þann 12. febrúar. Búið er að ráða hljómsveitina Granít, sem er 5 manna sveit og er harmonikkuleikari í henni, þannig að gömlu dansarnir munu ráða ríkjum.

F.h. nefndarinnar, Erling Sæmundsson

Frá UMF Baldri

Þorrlót 2011

Hið sívinsæla þorrlót UMF Baldurs og Sandvíkinga verður haldið laugardaginn 29. janúar 2011. Takið daginn frá, þússið dansskónna og æfið gömlu dansanna. Nánar auglýst síðar.

Árgjald Umf. Baldurs

Ágætu félagar.

Nú er komið að því að innheimta félagsgjöld Umf. Baldurs fyrir árið 2010. Árgjald er kr. 1000.- fyrir 14 ára og eldri, en 7-13 ára greiða hálf guld. Hægt er að greiða gjaldið í heimabanka eða með millifærslu í banka. Vinsamlega leggið inn á reikn. 0586-26-979 kt. 471077-0979 og tilgreinið kennitölu greiðanda.

Athygli er vakin á því að samkvæmt samningi milli ungmennafélagsins og Flóahrepps þá þarf fólk að hafa greitt árgjald ungmennafélagsins ætli það að sækja um styrk til íþróttaiðkunar. Ef eitthvað er óljóst, vinsamlega hafið samband við gjaldkera í síma 4822911 eða lambastadir@emax.is.

Með kveðju,
Svanhvít Hermannsdóttir
gjaldkeri Umf. Baldurs

Umf Baldur er með heimasíðu á netinu á slóðinni <http://umfbalduhraung.weebly.com/> Einnig er Facebooksíða undir nafninu Ungmennafélagið Baldur Hraungerðishrepp, leitið að því á FB, einnig er tengill á áður nefndri heimasíðu á facebook síðuna. Þarna verða auglýstir allir viðburðir og settar inn helstu fréttir af starfinu.

Þá hefur Umf Baldur einnig orðið sérstakt netfang þar sem hægt er að senda félaginu fyrirspurnir. Netfangið er umfbalduhraung@gmail.com

Pistillinn

Jæja ég þakka Guðmundu fyrir áskorunina. Það er búið að vera mikið umhugsunarefni hvað ég ætti að skrifa um, en ætli að ég byrji ekki á því að minnst á glæstan sigur Meistarafélagsins (Haukur og Geir St-Reykjum, Ívar í Túni og Árni Freyr Pálsson) gegn Sprúttlunum (Unni á Lundi, Guðmundu á Hurðarbaki og Laufeyju í Egilsstaðakoti). Keppni Meistarafélagsins og Sprúttlanna var keppni um að baka piparkökuhús og var fengin hlautlaus aðili til að dæma, þótt það væri ekki vafamál hvort húsið væri flottara.

Sagan af Meistarafélaginu er enn óskrifuð þó við höfum afrekað margt. Þar má nefna ferðir á marga bæi, aðallega kúabú. Eftirminnilegast er ferð að Hrafnagili þegar við skoðuðum stærsta kúabú landsins og nýju mjaltahringekjuna sem mjólkar 30 kýr í einu, en á búinu voru um 190 kýr þá. Einnig má nefna þegar hluti af okkur fór á Agromek landbúnaðarsýningu í Danmörku. Þar eignustum við

vini sem er alltaf gaman að heimsækja þá Magga á Eystri-Leirargörðum og Helga á Eystra-Súlunesi. Þótt tilgangurinn væri að skoða fjós var oftast skemmtilegast að ræða við bændurna um heima og geima. Og urðu þessar ferðir miklu skemmtilegri eftir kaup á LandRover sem er nú alhliða landbúnaðartæki. Það var nú stuð að fara á Landsmótið á Hellu á honum og þegar við voru stoppaðir af löggunni. Hún vildi sjá skráningarskírteinið og athuga hvað margir máttu vera í bílnum. Í bílnum vorum við sjö með bílstjóra og þá öll sæti setin en á skírteininu var skráð að átta mættu vera í bílnum en ekki væri pláss fyrir þann áttunda.

Dregið hefur úr starfsemi Meistarafélagsins sem hóp manna sem gaman hafa að sveita lífinu. Höfum við lítið kíkt í heimsóknir og er LandRoverinn stopp en allt sendur þetta til bóta og vonandi verðum við duglegri á næsta ári.

Vinátta krakka í sveitum landsins er mjög mikilvæg og man ég eftir því þegar við félagarnir sem erum fæddir 1986 vorum að leika okkur í leikskóla. Við vorum fjórir strákar og þrjár stelpur saman í bekk í skóla sem var frekar mikið miðað við að í öðrum bekkjum voru kannski tveir til þrír. Það var ekki einfalt að hitta vini sína á sumrin, þó hjólaði ég oft að Stóru-Reykjum og þeir bræður til mín og svo seinna var farið á hestabaki á milli bæja þá á Brúnastaði og í Hjálmholt. Einu sinni var ég rétt búinn að tapa hestinum mínum þegar ég fór riðandi að Stóra-Ármóti. Þetta var um haust, ég og Gestur á Hæli sem þá bjó á Stóra-Ármóti vorum bara einhvað að leika okkur þegar ég sá að Einar pabbi Gests var að teyma Riddara (hestinn minn) upp á hestakerru. Ég spurði hvað hann væri að gera og hvert hann ætlaði með hestinn? Svaraði hann að hann væri að fara með hann á Gnúpverjaafrétt. Þetta kom mér frekar á óvart og sagði Einari að þetta væri hesturinn minn. Einari brá og sagði „Já mér fannst þetta eitthvað skrítið”, þá hafði vinnumaðurinn átt að ná í einhvern rauðan hest sem passaði við minn.

Ég held að sem krakki í sveit og þegar maður getur ekki alltaf hitt vini sína eins og í þéttbýli verða skiptin sem við krakkarnir hittumst skemmtilegri og eftirminnilegri. Það þurfti ekki nema eina hrútasýningu og þá vorum við öll í Löggu/ bófa leik allt kvöldið. Æfingar í Einbúa og skólaferðalögin sem farið var í á sumrin eru minningar um góða og skemmtilega tíma.

En jæja þá held ég að þetta sé komið hjá mér og ætla ég að halda pennanum á Reykjaveginum því ég skora á Guðmund Stefánsson bóndi í Hraungerði að skrifa næsta pistil.

Svo vil ég enda þetta með vísu eða lagi sem Stefán í Gerðum samdi um Meistarafélagið daginn áður en við fórum norður:

*Meistarafélagið er félag stórt og stælt
Í því hef ég svo sem lítið þælt
Á morgun verður hér ró og friður
Því á morgun fara þeir norður og niður.*

Einar Magnússon, Oddgeirshólum

Frá Umf. Samhygð

Leikhúsferð UMF Samhygðar á Gerplu

Föstudagskvöldið **26.nóvember** hyggur UMF Samhygð á hópferð í Þjóðleikhúsið til þess að sjá leikverkið Gerplu sem frumsýnt var fyrr á árinu. Gerpla er byggð á samnefndri skáldsögu Halldórs Laxness sem sótti efniviðinn í sögur fornaldar, þar á meðal í Fóstbræðrasögu. Aðalpersóna verksins er Þormóður Kolbrúnarskáld sem leggur allt í sölurnar fyrir hetjuhugsjónina og skáldskapinn en sér síðarmeir að e.t.v. hafi hann fórnað öllu fyrir málstað sem var hégómi einn. Leiksýningunni hefur verið lýst sem hugmyndaríkri og fyndinni og hefur notið mikilla vinsælda.

Farið verður með rútu frá Félagslundu klukkan 18:30 en sýningin hefst klukkan 20:00. Miðinn er á góðu hóptilboði eða á krónur 1800 og ferð með rútu er krónur 700. Áætluð heimkoma er um 23:30. Skráning í ferðina er hjá Huguínu, gjaldkera, í síma 848-7765 eða hjá Stefáni í síma 867-6907 fyrir **12.nóvember**. Tilgreina þarf ef farið er með rútu eða ekki. Tekið er við greiðslum þegar ferðin er farin en líka er hægt að leggja inn á reikning Samhygðar: 0152-26-023817 kt:471077-1359.

Nú er tækifærið til að gera sér dagamun og skella sér í leikhúsferð! Allir velkomnir!

Árgjald Umf. Samhygðar

Ágætu félagsmenn Umf. Samhygðar, nú er komið að því að innheimta árgjöld fyrir árið 2010. Allir félagsmenn 14 ára og eldri greiða 1.000- kr í árgjald. Ekki er innheimt árgjald af yngri félögum.

Félagar eru beðnir um að greiða félagsgjöldin með millifærslu í heimabanka eða hjá gjaldkera í sínum banka. Tilgreina verður nafn og kennitölu greiðenda.

Reikningsnúmer Umf. Samhygðar er: 0152-26-23817 og kennitala 471077-1359.

Nánari upplýsingar fást hjá gjaldkera Samhygðar Huguínu Geirsdóttur í síma 8487765 eða í tölvupósti huggageirs@hotmail.com. Við minnum sérstaklega á nauðsyn þess fyrir þá sem ætla að sækja um styrk vegna æfingagjalda eða keppnisferða og greiða árgjöld.

Stjórnin

Glímufréttir

Glímuæfingar er komnar af stað og er uppistaðan úr hópnum krakkar sem æft hafa undangengin ár. Rými er fyrir fleiri á æfingum og er öllum krökkum frá 3. bekk og upp úr velkomið að kíkja á æfingu, þó það sé ekki nema í eitt sinn til reynslu.

Mótahald Glímusambandsins er komið af stað og var fyrsta mótið að þessu sinni haldið í Iðu á Selfossi laugardaginn 23. október. Fyrir hádegi fór fram fyrsta umferð af þremur í Meistamóti Íslands og átti Samhygð þar þrjá keppendur. Stefán Geirsson keppti í +90 kg flokki og hafði sigur, Huguínu Geirsdóttir keppti +65 kg flokki og hafnaði í 3. sæti og síðan í opnum flokki þar sem hún lenti í 2. sæti. Marín Laufey Davíðsdóttir keppti í sömu flokkum og Huguínu og sigraði í þeim báðum. Sannarlega glæsilegur árangur hjá þessari bráðefnilegu íþróttakonunni. Rétt er að greina frá því að Ingveldur Geirsdóttir úr Samhygð var í hlutverki mótstjóra í Iðu allan daginn og stóð

sig með mikilli þrýði. Eins störfuðu Fanney Ólafsdóttir úr Vöku og Baldur Gauti Tryggvason úr Baldri við mótið.

Eftir hádegi var síðan glímt Meistaramót Íslands fyrir krakka 15 ára og yngri og sveitaglíma fyrir sama aldurshóp. Fjórir krakkar úr æfingahópnum tóku þátt á mótinu og náðu góðum árangri sem fer hér á eftir.

Stelpur 12-13 ára + 55 kg - 6 keppendur

1. Guðrún Inga Helgadóttir, HSK (Vöku)
- 2.-3. Hanna Kristín Ólafsdóttir, HSK (Baldri)

Stelpur 14-15 ára - 7 keppendur

1. Marín Laufey Davíðsdóttir, HSK (Samhygð)

Strákar 12-13 ára - 55 kg – 9 keppendur

2. Þorgils Kári Sigurðsson, HSK (Vöku)
4. Jón Gunnþór Þorsteinsson, HSK (Samhygð)

Krakkarnir tóku síðan öll þátt í sveitaglímunni og voru þeir Guðrún og Hanna í sigursveit HSK í flokki 12-13 ára. Þorgils og Jón voru í bronssveit HSK í flokki 12-13 ára og Marín fór fyrir silfursveit HSK í flokki 14-15 ára. Nánari úrslit og fleiri upplýsingar um glímuíþróttina má finna á www.glima.is

Næsta mót

Næsta mót á döfunni er síðan Fjórðungsglíma Suðurlands sem fer fram á Laugalandi í Holtum fimmtudagskvöldið 4. nóvember og hefst kl. 19.00. Þar verður keppt í aldursflokkum 10-11 ára , 12-13 ára, 14-15 ára og 16 ára eldri hjá báðum kynjum.

Þjálfari

Flóðgáttin

Þrjár vísur bárust frá Geir í Gerðum í Flóðgáttina.

Í tilefni ferðar hreppsnefndar og atvinnumálanefndar um Flóahrepp nýverið.

Hreppsnefndin um hreppinn fór hress og hafði gaman Ölviss drakk hún öl og bjór öllum kom vel saman.

Vegna úrskurðar héraðsdóms í aðalskipulagsmálinu

Svandís Svavars rassskell hlaut svo lítill að er sómi Á Flóamönnum fljóðið braut því flengd af Héraðsdómi.

Svo er það lífsgæðakapphlaupið.

Sumir heimta stærri sneið
sitt brauð annar sníkir.
Síðan fara sömu leið
snauðir jafnt og ríkir.

Flóðgáttin stendur opin. Umsjónarmaður er Stefán Geirsson, sími 8676907,

Dagskrá mánaðarins:

Glímuæfing	1. nóvember
Æfing eldri	2. nóvember
Æfing yngri	3. nóvember
Fjórðungsglíma Suðurlands	4. nóvember
Opið hús hjá Kvenfélagi Villingaholtshr.	5. nóvember
Hópfærð á Stútungasögu	6. nóvember
Glímuæfing	8. nóvember
Æfing eldri	9. nóvember
Æfing yngri	10. nóvember
Skráning á Gerplu	12. nóvember
Glímuæfing	15. nóvember
Æfing eldri	16. nóvember
Framhaldsaðalfundur Hrossar.fél. Villingah.	16. nóvember
Æfing yngri	17. nóvember
Glímuæfing	22. nóvember
Æfing eldri	23. nóvember
Æfing yngri	24. nóvember
Leikhúsferð á Gerplu	26. nóvember
Kosningar til Stjórnlagabings	27. nóvember
Glímuæfing	29. nóvember
Æfing eldri	30. nóvember
Æfing yngri	1. desember

